

UM 14 DEC 2001

50 pesakit terima sumbangan dari PM

JITRA 13 Dis. — Kira-kira 50 pesakit yang sedang dirawat di Hospital Jitra di sini hari ini menerima kunjungan istimewa ketika kebanyakan umat Islam lain membuat persediaan untuk menyambut Hari Raya beberapa hari lagi.

Kehadiran Perdana Menteri, Datuk Seri Dr. Mahathir Mohamad yang juga bekas seorang pegawai perubatan mencerikan suasana di hospital tersebut.

Walaupun tidak lagi merawat pesakit, Perdana Menteri dan isteri, Datin Seri Dr. Siti Hasmah Mohd. Ali mengambil kesempatan untuk bermesra dan bertanya khabar.

Dr. Mahathir dan isteri juga menyampaikan bungkusan kuih raya yang disumbangkan oleh Projek Lebuh Raya Utara Selatan (PLUS) dan Belia 4B Kubang Pasu kepada pesakit terlibat.

Pesakit terlibat juga menerima duit raya RM50 yang disumbang sendiri oleh Perdana Menteri dan isteri yang menghabiskan masa hampir sejam melawat wad lelaki, wad perempuan dan wad bersalin.

Turut hadir di hospital itu ialah Menteri Besar, Datuk Seri Syed Razak Syed Zain dan isteri, Datin Seri Sharifah Hamidah Syed Hamid.